

*Historiæ Convulsionum Periodicarum per Clariss.
D^{num} Gui. Cole, Med. Doct. descriptæ, & com-
municatæ.*

Convulsionis quintanam observantis periodum.

Febres intermitentes minorum gentium (Quotidia-
nas scil. Tertianas & Quartanas) ubivis pullulasce-
re nimis omnes concii sumus; & quamvis earum cauſæ
in puteo lateant, de typis tamen sat superque omnibus
constat. Quintanarum autem, sextanarum, &c. quæ
longius protelatas agnoscunt periodos; quanquam inter
authores habeatur mentio, tam raro tamen in praxi oc-
currunt, ut raro Medicum convenerim, cui talem ali-
quam vidisse contigit. Mihi quidem ante quadriennium
obvenit taliter ægrotans (si modo à periodorum ratione
liceat Febrem denominare, ubi non insignis aderat ca-
lor, sed nervosi potissimum generis affecti signa) cuius Hi-
storiam, quantum suggerit memoria, describam.

Acri erat & lerido ingenio, cuius casum refero, Do-
mina, formosa, *λαοπός*, interque negotia domestica, quæ
continuo eam exercitam detinuerunt, plurimum occu-
pata, unde integra per multos annos valetudine potita
est, plures licet enixa fuisset liberos. Ante sexennium
vero abhinc prægnans, circa medium gestationis tempus,
in hystericos (nescio qua *εργασία*) incidit affectus, qui,
quamvis illo tempore remediis cedebant, subinde ta-
men recurrebant, licet non admodum frequentes. Tan-
dem instantे partus tempore, postquam magis quam par-
erat (gravi id postulante occasione) fese exercuerat, po-
stridie (accelerato forsan aliquantulum partus tempore)
cum maximis doloribus parturire cœpit, magna effluente
sanguinis quantitate, fætu tamen nondum in lucem e-
misso; donec labantibus viribus, totoque fere, prout
V v 2 aftantibus



astantibus visum erat, excreto sanguine, de vita despatum fuerit. In vitam vero quasi revocata (fætu tandem, sed mortuo, excluso) brevi in convulsivos incidit affectus, qui, non obstante remediorum usu, pertinaciter affligebant, per intervalla licet, ad plures menses. Inde aliquanto melius habuit, licet non in totum à præfatis symptomatis immunis; quæ tandem aucta, non incertis, ut ante, invasionibus molesta erant, sed primo tertianis, si recte teneo, periodis, dein quartanis, & non ita multo post quintanis (h. e. ut quatuor integri dies intercederent inter singulorum paroxysmorum initia) invadebant; idque exacte adeo, ut non certius horologiorum indices ad notatas figuras redeant, quam isti paroxysmi suos repeterent cursus. Incipiebant cum oscitatione, aliquali vigore, & magna urinæ limpidæ quantitate exclusa; dein ægrotans statim convulsa opus habuit ut astantium manibus prehenderentur ejus manus, fecus vel vestes vel faciem dilacerabat, multoque nisi dentibus petebat prehendentium manus, mente omnino capta, & aphona. Postquam per horam unam vel alteram modo convulsa perficitisset, urinæ limpidæ magna copia identidem reddita, sensim evanuit paroxysmus, obrepente somno, qui per plures horas perseverabat; tandemque, omnium quæ in paroxysmo tranfacta erant nefcia, ad se rediit. Reliquis tribus diebus quamvis à paroxysmo libera, admodum tamen debilis & ener-vata erat, ut vix è lecto vel sedili surgere, nedum camaram obambulare absque ministrantium satellitio, potuerit.

Curationem accersitus aggressus sum medicamentis testaceis. & sp. C. Cervi; indicationem sumens à magna illa urinæ profusione, & nervosi generis affectibus, quæ insignem & sanguini, & succo nervoso, acorem impressum fuisse mihi fidem fecerunt. Verum cum pertinaciter, his non obstantibus, hærerent paroxysmi, statisque redirent periodis, in mentem venit, istos non aliter tractandos,

ständos, quam solent febrium intermittentium. Quamvis enim non tantum præ se ferrent calorem, quantum febres vulgares intermittentes; cum tamen regulariter adeo, uti mos est istiusmodi febrium, procederent, cumque insuper non omnes intermittentes, proprie sic dictæ, eundem observant caloris modum, omnes tamen eodem remedio, Cortice sc. Peruviano, debellentur; statui famosissimo illo specifico hunc affectum aggredi (intercalatis tamen medicamentis supra memoratis, ut pote quoniam alte mihi infederat notio dicta de acida succorum dyscrasia;) Nec fefellit eventus: Postquam enim duas vel tres istius corticis doses ante totidem paroxysmos, pro more tunc temporis (mihi saltem) solenni, exhibueram, sensibiliter ferociam suam deposuerunt, tandem continuata ejusdem exhibitione prorsus evanuerunt, nec, quantum mihi rescisse contigit, postmodum redierunt.

Historia Convulsivi Affectus octonariam periodum à multis annis observantis, per Clariss. D^{num}. Gui. Cole, M. D. descripta & communicata.

Dorothea Cook vidua, sexagenaria, Coffepola Vigoriensis, a triginta sex annis (triduo post nuptias) Epilepticis, nulla notabili ~~recessione~~ corripi coepit; qui quamvis sub morbi initium frequenter, nullo tamen ordine, recurrebant. Invasio tam subita erat, ut quæ & aliis & sibi perfecte sana videbatur, noctu oculi in humum,